

12. gr.

Til loka júní 1976 skal ríkissjóður greiða framlag til Styrktarsjóðs vangef-
inna, sem er í vörzlu félagsmálaráðuneytisins, er nemur 1.95 kr. af hverjum lítra
innlendrar framleiðslu, sem fellur undir tollskrárnúmer 22.01.01, 22.02.00 og 22.03.00.

Framlagi ríkissjóðs skal varið til að reisa og endurbæta stofnanir fyrir van-
gefið fólk.

13. gr.

Ríkissjóður greiðir eigi framlag skv. ákvæðum 11. og 12. gr. af framleiðslu,
sem flutt er úr landi eða seld er úr verzlunum, sem eingöngu selja til farþega í
ferðum milli landa, sbr. ákvæði 6. gr.

14. gr.

Ítrekað brot gegn lögum þessum varðar missi leyfisbréfs um stundarsakir, eða
fyrir fullt og allt, eftir ákvörðun fjármálaráðherra hverju sinni.

Mél, sem rísa út af brotum gegn lögum þessum, skal með farið að hætti opin-
berra mála, og varða brot sektum, nema þyngri refsing liggi við samkvæmt öðrum
lögum.

Sektir renna í ríkissjóð.

15. gr.

Lög þessi öðlast þegar gildi.

Með lögum þessum eru úr gildi numin lög nr. 60 30. des. 1939, um gjald af inn-
lendum tollvörutegundum, lög nr. 78 1. júlí 1966, um aðstoð við vangefið fólk og
samtök hjarta- og æðaverndarféлага, svo og 1. mgr. 1. gr. laga nr. 25 16. apríl 1962,
um aðstoð til fatlaðra, og 2. og 3. gr. sömu laga, svo og lög nr. 9 25. marz 1965, um
breytingu á sömu lögum.

Ákvæði til bráðabirgða.

Framleiðendur vörugjaldsskyldrar vöru mega stunda framleiðslu samkvæmt
leyfum, er gild voru skv. ákvæðum laga nr. 60/1939, í 5 ár frá og með gildistöku
þessara laga.

Gjört í Reykjavík, 28. desember 1971.

Kristján Eldjárn.

(L. S.)

Halldór E. Sigurðsson.

Nr. 98.

15. desember 1971.

FORSETA BRÉF

um frestun á fundum Alþingis.

FORSETI ÍSLANDS

gjörir kunnugt: Að ég, að tilskildu samþykki Alþingis, veiti forsætisráðherra um-
boð til þess að fresta um sinn fundum Alþingis, 92. löggjafarþings, frá 21.
desember 1971 eða síðar, ef henta þykir, enda verði þingið kvatt til fundar
á ný eigi síðar en 20. janúar 1972.

Gjört í Reykjavík, 15. desember 1971.

Kristján Eldjárn.

(L. S.)

Ólafur Jóhannesson.